

1899

16 CAP. I. DE PERSONIS CUM CAPIENTIBUS,

eam, quæ ex inhonestâ matre nata, & apud eam educata fuit *Farinac. d. l. num. 99.* Item quæ in caupona ministrandi causa deprehenditur *Id Farinac. n. subseq. 101. Menoch. d. cas. num. 4.* Vel quæ sola aliquoties cum Viris in balneo fuit *argum. Nov. 117. cap. 8. §. 4. id. Farin. d. l. num 97.* Sed talis præsumtio ex solo meretricio habitu, item si quæ sola sine comite per plateas incedat, vel ex paupertate mulieris vix induci potest, quantumvis probet *Farinac. d. l. n. 92. 93. & 100.*

52 Ultimo concludimus, quod meretrix non sit confunda cum concubina. Concubina enim, licet extra matrimonium vivat; tamen cum uni Viro tantum cohabitet, meretrix esse non potest, quippe quæ cum pluribus consuetudinem habet, vulgoque se prostituit. Hinc nec inhonestâ persona concubina est; quemadmodum meretrix turpitudine laborare dicitur. Concubina enim honeste appellatur *L. 144. ff. d. V. 3. & ipse Concubinatus per Legem nomen assumit L. 3. §. 1. ff. d. Concubin.* nec à legitima uxore Concubina nisi animi destinatione & dignitate distat *d. l. 3. in pr. & l. 4. ff. eod. L. item legatum 49. §. parvi 4. ff. de legat. 3. L. probrum 41. §. 1. ff. d. R. N.* Imo certo in casu, si quæ Patroni concubina fuit, ab uxore plane non distat; siquidem eo honore, quo uxor, censetur, & Materfamilias appellatur *L. 1. pr. ff. d. pr. ff. Concub. & L. 13. pr. ff. ad L. Jul. de adult.*

53 Præter meretrices quæstum meretricium recipiunt Lenones lenæve. Lenocinium autem exercent, qui quæve vel filiarum pudicitiam, vel uxorum quæstus gratia prostituunt, vel quæstuaria mancipia habent *L. Athletas 54. §. 2 ff. d. bis qui nor. inf. d. L. palam. 43. §. 7. ff. d. R. N. L. 2. §. 2. & L. 29. pr. ff. ad Leg. Jul. d. adult.* Quod crimen cum æque grave sit ac corpore quæstum exercere *d. l. 43. §. 6.* quam sacerdotalia etiam sanctione ab *Imp. Justiniano interdictum est Nov. 14.* Minus enim peccare videtur meretrix corpus suum, in quod jus quasi quoddam habet, quasi venale exponens; gravius autem leno, qui ex corpore miserrimarū mulierum, in quod ipsi nihil juris competit, miserabilem quæstum accipit,